



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina
Evangelica De Meditatione mortis**

Kispenning, Henricus

Antverpiæ, 1583

Vitæ & Beatudinis æternæ vmbratilis descriptio, ad inflammandum ægroti
animum. xxxi.

[urn:nbn:de:hbz:466:1-46214](https://nbn-resolving.org/urn:nbn:de:hbz:466:1-46214)

mur: & persequentia nos peccata sacramēto Baptisma-
tis, nobis euadentibus, obruuntur. Et quando in spe su-
mus eius promissionis quam non videmus, tanquam per
deserta ducimur, consolante nos in sanctis Scripturis
Verbo Dei: sicut illos *Manna* de calo. Et eodem ipso du-
ce in *Hierusalem* celestem, tanquam in terram pro-
missionis, introduci nos posse presumimus: & in aeternum
ibi regnante ipso & custodiente seruari.

Vita & Beatitudinis aeternae umbratilis descriptio:
ad inflammandum aegroti animum.

EST autem Vita & Beatitudo aeterna, fruitio Sum-
mi Boni, videlicet ipsius Dei, uberrimi fontis &
thesauri omnium bonorum: in qua omnes pii homines,
qui in vera & viua fide & inuocatione filij Dei ex hac
vita decesserunt, resuscitati ex mortuis, & penitus ab
omni malo liberati, caestorum Angelorum ac totius Ec-
clesiae caelestis collegio coniuncti, Deum Patrem, & Filium,
& Spiritum sanctum, non iam per speculum & in ani-
gmate, sed facie ad faciem intuebuntur: & expertes om-
nium calamitatum, arumarum, morborum, laborum
& dolorum, laeti uiuent: & ineffabili gaudio Deum in
omni aeternitate celebrabunt. *Mundus* hic nihil est a-
liud, quam *vallis lachrymarum*: & tota haec mor-
talis hominum vita plena omni genere miseriarum:
sed has omnes absterget in futura vita ac poeni-
tus tollet filius Dei, absorbens mortem in victoria:
& auferens opprobrium populi sui de vniuersa terra.
Intanta felicitate iusti in perpetuum uiuent: accep-
to iam Regno decoris, & Diademate speciei de ma-
nu Domini. De quo *Apostolus Paulus*: Per multas,
inquit, tribulationes oportet nos intrare in Regnum
Dei: cuius haeredes filij excelsi omnes, procul ab omni
con-

CAPVT.
XXXI.

1. Cor. 13.
Apoc. 7. 22.

Psal. 83.

1. Cor. 15.

Esa. 25.
Sap. 5.
Act. 14.

Psal. 81.

Iob 5.
Sap. 5.

contagione peccati, & ab omni Demonum impugnatione securi, nullum ultra timebunt malum: etenim dextera sua Dominus reget eos, & in brachio sancto suo defendet illos.

Psal. 83.

Hoc Regnum caeleste, Tabernacula sunt & atria, de quibus Psalmista canit: Quam dilecta tabernacula tua Domine virtutum: concupiscit & deficit anima mea in atria Domini. Cor meum & caro mea exultauerunt in Deum viuum, Beati qui habitant in domo tua Domine: in secula seculorum laudabunt te. Quia melior est dies vna in atris tuis super millia. Hac Tabernacula sanitatis & securitatis: & Paradisus, cuius fructus incorruptus perseverat: in quo est securitas & medela. De ysaie in Esaia dicit Dominus: Sedebit populus meus in pulchritudine pacis, in tabernaculis fiducia, in requie opulenta. Hoc pasqua illa vberissima: Pasqua pinguis, montium excelsum Israël: in quibus requiescet Christi ouicula in herbis virentibus, &c.

4 Esdr. 7.

Esa. 31.

Ezech. 34.

Psal. 26.

Esa. 64.

1. Cor. 2.

Psal. 64.

Psal. 35.

Hoc regnum, Terra est illa viuentium: in qua credimus nos visuros tot ac tanta Bona Domini, expectantibus & diligentibus ipsum preparata, qua nec oculus vidit, nec auris audiuit, nec in cor hominis ascendit: quorum non modo replebimur vbertate, sed & inebriabimur plane, sicut scriptum est: Filij hominum in tegmine alarum tuarum sperabunt. Inebriabuntur ab vbertate domus tua, & torrente voluptatis tuae potabit eos. Quoniam apud te est fons vite, & in lumine tuo videbimus lumen.

Apoc. 21.

Hoc, Civitas sancta Hierusalem: de qua S. Ioannes in Apocalypsi sic loquitur: Platea civitatis aurum mundum, tanquam vitrum perlucidum. Et templum non vidi in ea. Dominus enim Deus omnipotens templum illius est, & Agnus. Et Civitas non eget sole neque luna, ut luceant in ea: nam claritas Dei illuminabit eam: &

lucer-

lucerna eius est Agnus. Ac rursus: Et nox ultra non erit, & non egebunt lumine lucerna, neque lumine solis, quoniam Dominus Deus illuminabit illos: & regnabunt in secula seculorum. Apoc. 22.

De hac sancta Civitate propheta Esaias dicit: & faciet Dominus exercituum omnibus populis in monte hoc conuiuium pinguium, conuiuium vindemiae: pinguium medullatorum, vindemia defecata. Per montem hunc intellige montem Sion: id est, caelestem Hierosolyman, in qua exhibebit Dominus omnibus in uniuersum fidelibus electis conuiuium exquisitissimum & delicatissimum: cuius lautitia in iis rebus sita erunt, in quibus vita aeterna: nepe non in cibo aut potu, sed in fruitione summi boni, quod Deus ipse est: quo beati illi, in aeterna illa Hierusalem, sempiterno auro fruuntur. Vnde regius ille Propheta David canit: Satiabor, cum apparuerit gloria tua. Item: Adimplebis me letitia cum vultu tuo: delectationes in dextera tua usque in finem. Psal. 16.
Psal. 15.

Nimirum hoc est Conuiuium illud, ad quod Angelus in Apocalypsi nos inuitat: dicens: Venite & congregamini ad cenam magnam Dei. Apoc. 19.

O gloriosum conuiuium: o sedes illas caelestes, aeternaque domicilia: in quibus beatorum mentes diuinis oblectationibus repletae, caelestium bonorum copia redundant. Et coronis adornati, celebresque cantantibus Angelis regio throno assistent, quicumque hic bona fecerunt: quique digni fuerunt reperti aeterna vita. Quodque omnium est maximum, continua fruuntur conuersatione cum Christo, una cum Angelis, cum Archangelis, cum superioribus Potestatibus. Etenim Conuentus est illic, non hominum solum, sed eorum qui homines antecellunt, Angelorum, Archangelorum, Thronorum, Dominationum, Principatum, Potestatum: qui exuperant omne pretium. Chryl. epist. 5. de repat. lapsi.

pretium auri, lapidum pretiosorum, radiorum solis, & omnis visibilis forma. De Rege ipso nihil satis idoneum dici potest: adeo sermonem & mentem omnem excedit eius pulchritudo, formositas, splendor, gloria, maiestas magnificentia. Petrus dixit: Bonum est hic nos esse. Si Petrus, qui vidit obscuram quandam in monte imaginem futurorum, omnia continuo reiecit ab animo propter voluptatem inditam anima à tali aspectu: quid dicemus, quando rerum veritas aderit: quando regis cubiculis adaperitis contueri licebit ipsum Regem, non per anigma, nec per speculum, sed facie ad faciem?

Matth. 17.
Luc. 9.

1. Cor. 13.

Pfalm. 45.
Pfalm. 35.
Pfalm. 22.
Apo. 14.
Apo. 7.

O gloriosa Civitas Dei, quam latificat fluminis impetus, voluptatis torrens, calix inebrians quam praeclarus: in qua cum Christo gaudent Sancti Dei, amicti stolis, sequentes Agnum quocumque ierit. Et cantant Domino, cum S. Angelis: Salus Deo nostro, qui sedet super thronum & Agno, Benedictio, & claritas, & sapientia, & gratiarum actio, honor, & virtus, & fortitudo Deo nostro, in secula seculorum Amen. Quo cantico in gloria Gratiae Christi, cuius sanguine liberati sumus, nihil erit profecto illi incundius civitati.

August. de
Civit. Dei.
lib. 2. c. 39.

De eadem Vita & Beatitudine aeterna, D. Cypriani Episcopi & Martyris sententia.

CAPVT

XXXII.

Serm. de Ascensione
Domini.

EXultabunt sane Sancti in gloria: videbunt Deum, & gaudebunt, letabuntur, & delectabuntur, & fruuntur gloria: & in felicitate incundabuntur aeterna. Ibi non gustabunt, quae suavis est Deus, sed implebuntur & satiabuntur dulcedine mirifica: nihil eis deerit, nihil oberit: omne desiderium eorum Christus praesens implebit. Non senescunt, non tabescent, non putrescent amplius: perpetua sanitas, felix aeternitas, beatitudinis illis sufficientiam confirmabunt. Non erit concupiscentia in membris: non

ulla